

E quand la sira

(1981)

di Fiorenzo Gualandris

Periodo: Dal riflusso alla fine della guerra fredda (1980 - 1989)

Lingua: lombardo

Tags: lavoro/capitale

Indirizzo: <https://www.ildeposito.org/canti/e-quand-la-sira>

E quand la sira l'è straca
da föra la porta a vidè i fioeu giugà,
turni cul co ad una 'völtä
quand gh'era al Ginetu eanca mi s'ei un
fioeu.

I so barbis giald de füm
e la sua mania de fa sü i sturgitt
nonu da tüta la curta
nüm fioeu in su la porta e lü drè a cüntà.

Da quand lü a steva ad Arlün
fioeu da paisan
da quella sira da Magg
che i sciuri han fai strimì

L'aria giamò còlda la sira
da quel dì da festa dal vutantanov
fioeu, donn e oman in piasa a
vidè i giupitt a fa i so virsasc.

Ecu una vus la sa sinta
"Adess che i giupitt han finì al so mistè,
cumincium nüm al spetacul
uèe paisan, vignì föra d'in cà"!

Cume furmid in dala tola dal sücar
la strà la se impienì
tüt al paes cunt i fioeu in prima fila
vusaven par fas sintì.

"Mort ai sciuri e ai padrun

e per la giurtnà a vörum un franc".
"Basta pendisi da püi
e g'han da sbasà anca al ficc da la cà"!

"Che da la fam i nost giuin
'in gnanca pü bon d'an dà a fa al suldà".
"E i sciuri cun la panscia lüstra
al firon da la shcena a g'han da sbasà"!

"Vusè donn, vusè tusan"
e giò a shcepà vedar
"Calderar e Dal Verme in lì in quela cà,
andemigala a brüsà"!

E al ridea al Ginetu, al ridea cume un matt
e nüm fioeu püsè che lü,
a pinsà a quei sciuri cücià in un canton
trimag al cüracion.

Ma la storia urmai l'è finida
la röda la gira e la turna indrè pü
i fioeu cun la crapa grisa
paisan d'una 'ölta e uperari d'in coeu.

Ma l'è no cambiada la vida
ghè semper chi süda e chi mangia püsè.
Ginetu me vegn al magón
i nost fioeu sculten pü ti, ma la television.

Ma al ridea al Ginetu, al ridea cume un matt
e nüm fioeu püsè che lü,
a pinsà a quei sciuri cücià in un canton
trimag al cüracion.

Informazioni

Canto che narra le vicende salienti dei moti contadini dell' Alto Milanese di fine '800 così come le riporta la stampa dell' epoca.

Nel testo si immagina un ricordo da bambino quando nella vita sociale di cortile un ipotetico "Ginetu" nonno di tutti che teneva accanto a sé lo stuolo di bambini narra quelle vicende per il loro divertimento.